

مجله دانش

س ۱ ۳۰ ۳ ۱ ۳ ۱

والله يهدي من يشاء الى صراط مستقيم ديني . علمي ، ادبي ، سياسي هفته لاق مجموعه اسلاميه در
اتبعون اهدكم سبيل الرشاد

صاحب دمربر مسئول : ح . اشرف اديب

تجارت و صنایع نقطه نظرندن اودرجه مقتدر بردولت قائم اولورسه بدیهی درکه آلمانیاك بتون بوامیدلردن واز کچمه سی لازم کله جکدر . اوت ، آلمانیا به آفریقاده بعض مستملکاتک ویریه جکی سویله نیلیور . فقط آلمانیا پک رعنا بیلیورکه هنوز بدوی وحتی وحشی بر حیات کچیرمکده اولان شومستملکات دهابرچوق سنه لر آلمانیا خزینه سنه بار اولمقدن باشقه بر اهمیتی حائز دکدرلر . بوکبی مستملکات ایچون آلمانیا ، آسیا کبی واسع وتوکنمز ثروت طبعی به مالک اولان قطعه حقنده بسلمکده اولدینی امیدلردن ، الیوم بیله شو قطعه به وضع ایتمش اولدینی مهم سرمایه لردن ، تشبثادن واز کچمز !

ایشته شو ملاحظات سبیلهدرکه بز آلمانیا ایله انکلتزه آراسنده کی ائتلاف تجربه لرینه بر نظر نیک بین ایله باقیورز . فقط بونسکه برابر وضعیتک وخامتی اونوتمه یلیدر ، بوضره عثمانلو دولت ودیپلوماتلری ایچون اک متیقظ بولنق لازم کلن بر زماندر ! ..

احمد آغایف

کریمر مسئله سی :

توضیح حقیقت

— ۲ —

موضوع بحثمز اولان (کولنیش چایتونغ) غزته سنده مندرج مکتوبک بر فقره سنده « مع مافیه کرید حد ذاتنده غائب اولمش ایدی . [حقوق حکمرانی عثمانی نقطه نظرندن] بر طرفدن دول حامیه (فرانسه ، انکلتزه ، ایتالیا و روسیه) یواش یواش حکومت عثمانیه به کریدی ربط ایدن رابطه یی کوشته رک اونو پادشاهک خیالی بر رشته مناسبتی درجه سنه قدر ایندیر مشلر ، دیگر طرفدن یونان حکومتیله دوامی مقرر مناسبت سیاسی و اساسیه یی تأمین ایدیجی روابط متینه تأسیس ایلمشدر » دینیور . شو صاف وحقیقه مقارن اولان اعترافه قارشو محررینه بیان تشکر ایدرز . زیرا بوافاده قطعه یزی دول مستودعه نک ۱۳۱۴ سنه سنذربری تعقیب ایتدکاری خطا آلود سیاستلرینه قارشو هر درلر تنقیداتی یوروتمکده صلاحیتدار قیلیور . معلومدرکه خاقان سابقک کرید مسئله سنه اثر ضعف اوله رق کوستردیکی مسامحه دول مستودعه یی غایت مساعد بر موقعه اصعاد ایتمشدر . اودرجه که ایتالیا امیرالی (قانه وارو) اوصره لرده بحر سفیدک موازنه سنی کریدک آناختاریله تأمین ایتمک خلیاسنه دوشمش وحتی کرید مسئله مهمه سنک مرکز حلی (روما) به کتیرمک وبناء علیه - انکلیز سیاست قدیمه سنه قارشو - حقوق حکمرانی عثمانی به رومادن اجرای تأثیرات ایتمکده بیله موفق اولمش ایدی . هر کسک معلومیدرکه عالم سیاستده اک زیاده موفقیتی تأمین ایدن اسباب « قوت » در . بز اوصره لرده استبدادک زهر آلود تأثیرات منحوسه سیله پک ضعیف دوشمش ، حتی دولت عثمانیه نک دوا ی حیاتی بر طائم سفلی انتریکه لرک حیز آرای حصول اولسنه منوط

کندی منافع اقتصادی سنی تأمین ایتدکدن صوکره روسیه به ایرانده سربستی حرکت بخش ایدی . کذا مراکش مسئله سنده بر چوق کورولتی ، بر چوق ولوله لرده صوکره فرانسه ایله ائتلاف ایدره رک فرانسه دن آلمش اولدینی مستملکاته مقابله مراکش فرانسه طرفندن بلع ایدله سنه مماشات ایدی . شوکبی حرکتلر البته که مسلم انلره وعالم اسلامه القای اعتماد واعتبار ایدره جک ماهیتی حائز دکدی . بوندن بر چوقلری ، دولت مشارالیه نک حسن نیتی ، صمیمیتی حقنده اشتباه ایتمکده باشلادیلر .

شمدی ایسه مسئله عالم اسلامده یالکز قلمش ویالکز کندی موقع و حیاتی محافظه ایدیه یلمش اولان سلطنت عثمانیه اطرافنده جوریلور .

ایتالیانک طرابلس غریبه تماماً مایوس اولارق جزایر بحرسفید صولرینه آتیه مه سی شو مسئله نک میدانه چیقمنسه سبب اولمشدر .

بحرسفید موازنه سی مسئله سی ایله اک زیاده علاقه دار اولان انکلتزه حکومتی بالطبع ایتالیانک شو یکی وضعیته قارشو اوزون بر مدت لاقید قالاماز . ار ، کیج ایشه مداخله ایتمک مجبوریتده بونه جقدر . فقط شو مداخله نه صورتله اجرا ایدیه جکدر ؟ عثمانلورک خیرینه می ، ضررینه می ؟ ایشته شو مسئله صوکره درجه مشکوک بر ردای مهمیت آلتنده قالمقده در . فی الحقیقه انکلتزه افکار عمومی و محافل سیاسی سنده شو صوکره زمانلرده بزه طوغرو بر تمایل مشاهده ایدلمکده در . فقط شو تمایل هنوز بر قطعیت ، بر شکل معین کسب ایده مدی . بهمه حال آلمانیا ایچون شو مسئله یی آکلامق ، اوزرندکی ردای مهمیتی قالدیرمق ، ممکن ایسه انکلتزه ایله اوزلاشمق مجبوریتی حس ایدلمشدر . زیرا باشقه صورتده ایکی حکومت آراسنده شو مسئله دن طولانی مدتش بر مضاربته نک ظهوری اغلب احتمالاتندیر . فقط عجبا آلمانیا ایله انکلتزه آراسنده ائتلاف نه کبی ماهیتده اوله بیلیر ؟ عثمانلورک علیهنه می ، لهنه می ؟

بعضلری علیهمزه اولاجغنی ادعا ایدیورلر . فقط بز بوکا احتمال ویرمیورز . بزم محو و پریشانی مز نه انکلتزه نک ، نه ده آلمانیا نک ، ایجابات منافعدن دکدر . فی الحقیقه انکلتزه مستقبلاً قوی ومحتشم بردولت عثمانیه دن متوحشدر . فقط اولاحکومت مذکوره بوراسنی ده اونوتمز که شمذیک بزم موجودیتمز آنک ایچون الزمدر . عثمانلو دولتی بوکون روسیه نک جنوبه وغرب جنوبی به ، یعنی هندوستان یوللرینه طوغرو یوروهمه سنه قارشو بر سد طبعی تشکیل ایدیور . استقباله کنبه بز کندی افعال وحركاتله قوی ومقتدر بر سلطنت عثمانیه نک انکلتزه نک شرقد طبعی وصمیمی بردوستی ومتحدی اولاجغنی اثبات ایده جکمزده شبهه ایتمیورز .

آلمانیا به کنبه شو حکومتک بتون شرق حقنده بسیلهدر اولدینی اقتصادی امیدلرک حصولنذر اولمه سی بالطبع عثمانلورک بقا ودوامنه متوقف در . یارین عثمانلورق رینه باشقه بر حکومت ، آلمانیا قدر متری ،

صمیمی بر حیات آنکدار اقتصادیاتدن تمی ایدمایدی پک چوق اصابت
ایتمش اولور ایدی ! کرید رسمو اهالی مسلمه سی وکیل عمومی
دعوا وکیلی کریدی

احمد ساقی

روس لر - ایران لر

مشهد بمباردمانی

روسیه حکومتی ۱۹۰۷ سنه سنده انکله ایله کندی بیتنده عقد
ایلدیکی ائتلاف موجبجه ایران شمالیده کندیسنه بر [منطقه نفوذ]
ایریش و انکله ایچون دخی ایران جهت جنوبیه سیله شرق جنوبیسنده
بر منطقه آیرمیشدر . روسیه ، ایرانک ایالات و ولایات شمالیه سنی فعلاً
اشغال ایتک ایچون ایران حکومتنه قارشو آتفا قاناً مشکلات ایجاد
ایتمکده قصور و اهمال کوسترمامشدر . ایران حکومت مشروطه سیله
وطن پرورلری عاجز براقق ایچون ایران داخلنده آسایش سزک
واغتشاش حصوله و ارقوتی بازویه ویرمش و ایران مشروطیتک تمرکز
و تأسیسه دشمن اولان سابق مستبد و مرتجع لری ایران علیهنده دائماً
تشویق و ترغیب ایتشدر . کاه رحیم خانی ، کاه (شجاع الدوله) حمد خانی
بعضاً محمد علی و عونیه سنی ایرانه مسلط ایدوب ، بوسفیلری آلت
مخصوصه اوله رق مطلوبی وجهله قولانمش واک صکره ایران امور
مالیه و اقتصادیه سنی اصلاح ایچون امریقادن جلب ایدیلان مالیه مشاوری
آمریقایی مستر (شوستر مورغان) ایله معیتنده کی رفیق لری ایرانده
قوه دن فعله چیقارمق ایستدیک آمال و منویاتنه مغل و مضر کوردیکندن
عزل لریله ایراندن چکیلرلی اسبابی تمیه و احضار ایله اوچ سنه دن
برو ایرانده بولندیرمقده اولدینی قوه عسکریه سی واسطه سیله مظالم
کونا کون ارتکاب ایدرک ، مشروطیتک ایلرو کیتسنه بر مانع قوی
ایجاد ایتشدر . بوقدرله اکتفا ایتیمان روسیه ، اخیراً آذربایجان و تبریز
وقایع مؤله سنه سبیت و یروب یوزلرجه معصوم و بیگناه اولاد وطنک
اعداملرینه تشبث ایتدکدن صکره بقیه السیف قالان ایران احرارینی
حبس و اشکنجه ونفی و تبعید ایله تحقیر و توهین ایتشدر . کندی
طرفداری اولان ایران مرتجع لری - شجاع الدوله کی - سرکاره
کتیره رک کیمنی والی ، کیمنی ده مهم مأموریتلره تعیین ایتمش و ایران
قابینه سنی کندی امرینه مطیع و منقاد ایتشدر .

ایران ملت مجلسنی بوسیله ایله طاغیتمش و ایران مجلسنی مرتجع
قابینه ایلله قیادیروب ، بختیاریلری پاره قوتیه اغفال و آنلری ملت
لهنده بولنقدن ممانعت ایتشدر . روسیه ، اک صکره ایرانک
(کیلان) ، (مازندران) ، (آذربایجان) ، (قزوین) ایالات و ولایتلری
طوغریدن طوغری به قوه عسکریه سیله اشغال ایتمش و ایران احرارینی
ترک دارودیار ایتکه مجبور ایتشدر .

عد ایتمش ، باشمزدده یانان آتشلری کورمیه رک ، کریدده ناموس
ملیمزی احتراصات متضاده سیاسی سیله کوزلرینه پرده ایتمش اولان
« حامیلر » ه تودیع ایتمش ایدک . بوحالت فجیه به قوجه بر دولت
معظمه بی مضطربیلانلره لغت یاغدیرمق وظیفه حیتدر ظن ایدرز .

دیگر طرفدن « مستودع » صفتی ویرمش اولدیغمزدن دول
معظمه نک کریدده - تعبیر معذور کورلسون - اوینادقلری ایکی یوزلی
قومدیانک زهرلی آلتیشلری طویلایان زواللی ملت عثمانیه نک پرحدت
وخشم احتساستی شوراده شرح ایتکدن واز کچمیز . بز کریدی
بر « ودیعه » اولق اوزره دول معظمه به تسلیم ایتدک . ودیعه نک
برامانت اولدینی و بناء علیه انده تصرف جائز اولدینی ارباب حقوق
کی رحال سیاسیون دخی تصدیق ایدرلر . شو حالده مکتوبک محرری
طرفدن واقع اولان اعترافه بناء دییه بیلیرزکه : « دول مستودعه » بزه
قارشو خیانت ایتدیلر . کردون بر آسیاب فلاکت مدار ایسه بوخیانته
سبب اولانلرک جزاسنی ار ، کیچ ویره جکدر . ذاتاً مشیمه سیاستک
بوکونلرده نه طوغوره جغنی بیلیمورز . فقط امیزکه بحر سفید
موازنه سنی - کریدی وسیله عد ایدرک - بوزمق ایستیانلره پک بیوک
بردس تأدیب حاضر لایور . حتی ادعا ایدم بیلیرزکه عالم سیاسیانه
کورینن مظلم بلوطلرک مرکز اتساعی کرید اوله جقدر .

دول مستودعه نک طوطدقلری طریق ناهمواری شهره نجات
وشرف عد ایتکه میل ایدن یونان قومشومز اگر رجال سیاسی
مشهوره سنک سرتاجی اولان (تریقوی) نک وصیت اخیره سنی دوشونه رک
و « کرید یونانستان ایچون بر مزار فنا اوله جقدر » دستور سیاسی
اسالاس حرکات اتخا ایدرک ترکیا ایله جدی و صمیمی برسیاست
تعقیب ایتمش اوله ایدی انجام کارده کندیس ایچون انکسار خیالی
موجب طولاشیقلی بر یول طوتمش اولمازدی . بز یونان باش وکیلی
(ونیزلوس) ی شخصاً طانیر و ذکا و درایتی تصدیق ایدرز . فقط
سیاسی مشارالیهک - بلکه ایستیمیه رک - فنا ، پک فنا بر عاقبه منجر اوله جق
بر سیاسته آلت اولدینی ادعا ایتکدن کندمزی منع ایدمیز . کریدک
فیاض و محسن اقلیمندن اخذ ذکا ودها ایدن یونان باش وکیلی بیلیمیدرکه
کرید عثمانلی مملکتی قلاماز ایسه یونانستان ایچون خسران محققدر .

دول مستودعه کریدی ید امانت لرینه آلدقلری زمان « حقوق
حکمرانی عثمانیک جزیره ده بقاسنی و اسایش عمومینک تأمین ایل
برابر عنصر اسلامک محافظه جان و عرض و مالنه متعهد » بولندقلری
رسماً و قطعاً باب عالی به بیان ایتدیلر . عجبا هدف حرکت ایله مقصد
اصلیلری ارده سنده تظاهر ایدن تناقص و مباینتی تألیف اقتدارینی حائر
هانکی سیاسی موجوددر ؟ بوراده کی سؤالمزی یونان باش وکیلنه
توجیه ایتکدن احتراز ایدرک دیرزکه : ونیزلوس شان ظفری کریدک
شواهد معلا سیاسیسنده آرایه جق یرده عثمانلیق عالنده جدی و پک